

痘疹萃精卷一



諸巖雷鳴盛輯

痘疹萃精

聚英堂藏版

序

痘疹始自東漢建武其後治痘
之家人各為書擇焉而精者嘗
少余宰楚北羅田賦外天起印
耳邑有密齋萬氏精於醫心餘
購所著全書覽之幼科已精幼



科於痘疹尤精且驗醫師咸楷
模焉夫治痘不外順險逆三證
而寒熱虛實外感內傷天時人
事之變錯雜其間且形色隱現
一日而倏易其態痘前痘後一
證而頓異其治雖痘有定證證

有定方。非專門名家歷練此證。
臨證鮮不拘於墟也。雷子儲巖。
文學無諳於醫。嘗聞郡憲李丞。
稱諸公子患痘。治有奇驗。或亦。
本萬氏傳歟。癸卯余由西陵來。
鄂會儲巖出痘疹萃精六卷假。

余言為嚆矢。余曰：是慈幼之術也。及略觀其薈萃諸說，別戶分門於本證之險易，雜證之歧出，觀形辨色，痘前痘後之診治，確當明析，可謂萃萬氏之精，兼萃諸家之精矣。昔文正公曰：儒者

不為良相。即為良醫。夫論道經
邦。燮理陰陽。民鮮疵癘。物無夭
札。良相之能也。時寒暑。察燥濕。
診疾病。壽身以壽世。良醫之功
也。儲巖本讀書稽古之士。精其
心於岐伯黃帝之經。臨證必有

大過人者矣。况迺苦心孤詣，積
數十年所諳練，纂集成書。匡醫
師所不逮。福田利益，豈淺鮮哉。
是為序。

賜進

士出身。知湖北漢陽府黃陂縣
事。加三級紀錄十次。年家眷同。

學弟陳士鳳拜撰



痘疹萃精叙

余少攻舉子業旁涉獵於醫卜百家
之書博覽焉而未精也戊戌歲膺

簡命

守鄂黃簿書鞅掌倥偬無虛日欲理
故業不可得時曰公集會垣都人士
執帖括求指畫者甚夥上下議論皆
經生家言不復談方術歲己亥晤雷

子儲巖於脂麓行署覘其狀貌奇偉
胸懷磊落定知所學深邃洵為楚名
下士已乃噪聞精於青囊然未嘗目
覩奇驗也居久之余有二子前後患
痘證、極險延儲巖診視之從見點
灌漿落痂計日收功用藥若左契前
後無毫髮爽擬其治痘之精且驗必

有異傳也就叩之儲巖曰某困諸生
二十年櫻羸疾遂癯棄業醫以自衛
遍求古人已效之書即以雞牕螢火
研摩之功當之復取證於臨證之望
聞問切焉至痘證尤所三折肱某之
每視一證立一方也不敢以輕心掉
不敢以躁心嘗尤不敢以師心自用


積數十載耳目心思之力萃於是證
焉故輒試獲驗無異傳也余曰然夫
幼科啞科也俗所稱走馬看痘證言
其變刁無端也赤子口不能言疾痛
全憑醫師之精良形色起伏倏忽萬
變膠柱鼓瑟更無成書故宜攻而補
宜補而攻寒熱虛實內傷外感懸若

膏壤命在須臾誠可畏也儲巖負不
羈之才躋秋闈者屢矣本痼瘵之念
托岐黃以濟世方脈幼科俱所究心
而尤念幼科痘證一涉偏頗莫可挽
回乃薈萃諸家所經驗叅以心得之
診治縷析條分彙積成帙俾深山窮
谷無力延醫之家開卷了然對證尋

方無不神驗即通都大邑中亦不致
誤庸師手雖其志未伸於功名之途
而濟人利物則一而已醫之良也又
何間焉余倡捐先刻痘疹萃精六卷
以共同好其傷寒脈學全書竢費充
再付棗栗曰樂為數言以誌顛末云

誥授朝議大夫湖北黃州府加四級紀錄

三
次
年
家
眷
同
學
弟
李
國
麒
拜
撰



自序

靈樞素問從未載治痘之經。自痘疹行而痘科始有成書。其立論處方成一家言者。幾於汗牛充棟。令閱者五花迷目。然往往富家大族。嗣息如縷。不殤於痘而殤於治痘之書。與醫者何也。蓋攻補偏施。形證未諳。而識見未確也。余少多疾。嘗考究黃農之術。列醫序。困諸生者久。退而攻醫。尤折肱於治痘。甚矣治痘之難也。甲辰秋冬間。少雨雪。楚中患癘痘。心滋戚焉。於險而可治者。全活不少。又恐人之疎於治也。余將合數十年之閱歷。復